


2003-01-25
kioskoa**Iban Arregi****PP tinko,
oraingoz**

Iraken kontra AEBek eta Erresuma Batuak abiarazi nahi duten erasoak nahikoa iskanbila eragin du Europa aldean. Kontrako giroa nagusi da, batik bat Frantzia eta Alemania ere argi eta garbi kontra agertu direnean. Baina badira *aldekoak* ere, Espainiako Gobernua, tartean. Eta izango du horretarako arrazoirik, behar bada, baina kontrako efekturik ere eragin diezaioke PPri AEBen *alde* hain nabarmen agertze horrek. Eta ikus bestela, adibide moduan, atzoko egunkari espainiazaleak. **El Diario Vasco** eta **El Correo**: «Badirudi Ana Palacios denbora irabazi nahian dabilela, iritzi publikoak —gerraren kontra daude gehienak— Gobernuaren asmoak zein diren ez dakien bitartean (...). Aznarrek konponbide diplomatikoa bultzatu beharko luke, AEBen gerrarako presaren gaine-tik». **Diario de Navarra**: «Espainiako Atzerri ministroak kritikarik eta sendotasunik gabeko hizkera darabilki. Espaniak bere baseak utziko dizkie AEBei». **El Mundo**: «Espainiako Gobernuak keinuak egin ditu, Parisek eta Berlinek zuzentzen duten bakezaletasunetik urrunduz. (...) Aznarrek ez du albo batera utzi gerra honetan Espainiako armada erabiltzeko aukera. Bere arazoa, baina, zera da: espainiarren gehiengoak ez dagoela ados jarrera horrekin». Eta nola ez, **El Pais**, inor baino gogorrago: «Orain hobeto ulertzen da zergatik Aznarrek ez duen Espainiako Kongresuan agertu nahi, Irakeko balizko gatazkaren aurrean gobernuak duen jarrera azaltzeko. (...) Palacioren agerraldiak baieztatu zuenez, atzerri politikari buruzko adostasuna hausteko arrisku handia dago». Gerraren kontrako giroa sumatzen da Europako gizartean, eta PP AEBen alboan, tinko, oraingoz.

Egunkaria euskalidunon 3.767. zenbakia**Ohorezko Lehendakaria:** Martin Ugalde**Administratzaile Kontseiluko Lehendakaria:** Joan Mari Torrealdai**Kontseilari Ordezkarria:** Iñaki Uribe**Zuzendaria:** Martxelo Otamendi**Gerentea:** Begoña Zubelzu**Publizitatea:** Igor Sota**Egoitza Nagusia:** Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.comBatzorde Parekidea: 72564 E Lege Gordailua: SS 800/90 ISSN 1134-640X
OJDK IKUSKATURIKO HEDAPENA**ORDEZKARITZAK** ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965**Nafarroa:** Irabie Monasterioa, 45-13. esk. (Irritzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686**Bizkaia:** Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114**Lapurdia, Nafarroa Beherea, Zuberoa:** Pelletier 35,
64100 Baiona Tel.: 559593575 Faxa: 559257511**martintxo****hizpideak****‘Prestige’-ri
aurre egiten?**

Itxura batean emankorra gertatzen ari da euskal arrantzaleak *Prestige*-k isuritako orbanen aurka egiten ari diren lana. Itsasoan bertan fuel-olio tona ugari jasotzen ari dira, eta horri esker, kostan hondamendi izugarria litzatekeena saihesten ari dira. Eusko Jaurlaritzak koordinatuta eta babestuta ari dira

euskal arrantzaleak; baliabideak eman dizkie, eta soldata ere bai. Nolanahi ere, etorkizunera begira, kezkarik ez da falta.

Kezka bat, aski nabarmena, ekonomikoa da. Arrantzaleek aurki arrantzontzietan galipota harrapatzeari utzi eta berdela eta antxoa harrapatu nahi dituzte. Horretarako garaia da. Nolanahi ere, fuel-olioak itsasoko ura zenbateraino kutsatuko duen ez dago argi oraindik eta arrantzaleen jarduna kutsadurak nola eragotz dezakeen ere ez.

Horrek kezka handia eragiten du arrantzaleen artean, izan ere, ikusgai dago arrantzarik egin ezin badute beren soldata nondik iritsiko den. Edo iritsiko den.

Kezka eragiteko modukoa da euskal kostak jasaten ari den kalte ekologikoa ere. Jaurlaritzak egunero plazaratzen ditu hondartzetan jasotzen diren fuel-olio hondakinen datuak. Itsasertzaren zati txiki bat baino ez dira, ordea, hondartzak. Arroketan ere pilatzen da erre-gaia. Eta hor dago. Ukitzeke.



Fuel-olioa biltzeko edukinontziak, Bermeoko kaian.

Boli Kostako presidente Laurent Gbagbo, Parisen.

**Diru laguntzez**

Nafarroako Gobernuaren jomugan dira euskarazko komunikabideak, eta badira jada diru laguntzen deialdia desgerraraziko dutela diotenak. Ez da hori laister gertatuko, baina bada mugimendu arras kezagarria. Espainolez aritzen diren komunikabideak dira orain saritu beharrekoak. Ez dago azterketarik asteroko orrietan edo minutuko informazio laburpenetan ematen duten informazioaz, erabiltzen duten hizkuntz ereduaz, interes hutsez egiten den lanaz, baina horiek jasotzen ari dira diruak. EGUNKARIARI, Euskalerrria Irratiari edo *Nabarra* aldizkariari kentzeko.

Artxibo hezea

Nafarroako Protokoloen Artxiboa itxi egin behar izan dute beste behin, atean bertan esekita dagoen txartelak dioenez «betiko arrazoiengatik». Hau da, berriro itoginak izan dira, eta XVI. eta XVII. mendeetako hamaika paper-orri gordetzen zituzten hamar kutxa hondatu dira. Vianako Printzea erakundeak gertakariari garrantzia kendu nahi izan badio ere, kezka handia eragin du artxiboa erabiltzen duten ikertzaileen artean. Betirako galtzeaz egon dira agiri orijinal ugari, edozein lanerako erreferentzia ezinbestekoak. Gertatutako zabarkeria eta utzikeria barkaezina da.

Bakea Boli Kostan?

Boli Kostako Gobernuak eta gerriletako ordezkariak bake akordioa lotu dute Parisko elkarriketetan, azken hilabeteotako gatazka armatuari amaiera emateko. Alde guztiek parte hartuko duten Batasun Nazionalako Gobernua eratuko da, eta Laurent Gbagbo lehendakariak eskumen batzuk utzi egin beharko ditu, karguan jarraituko duen arren. Frantziak eta Nazio Batuen Erakundeak babestutako elkarriketak izan dira, eta biak arduratuko dira akordioa bete dadin. Paperean idatzitakoa betetzea, ordea, zaila eta neketsua izango dela aurreikusten da.